

Bosna i Hercegovina  
Federacija Bosne i Hercegovine  
TUZLANSKI KANTON

OPĆINSKI SUD U TUZLI  
Broj: 032-0-Su-45-25-000 005  
Tuzla, 18.03.2025. godine

Na osnovu člana 75., 76. i 77. Zakona o državnoj službi u Tuzlanskom kantonu (*prečišćeni tekst* – „Službene novine Tuzlanskog kantona“, broj 11/24) i Pravilnika o unutrašnjoj organizaciji Općinskog suda u Tuzli, broj: 032-0-Su-24-000 048 od 10.01.2024. godine, predsjednik Općinskog suda u Tuzli, o b j a v l j u j e

## JAVNI OGLAS

za popunu upražnjenog radnog mjesta namještenika na neodređeno vrijeme u  
Općinskom sudu u Tuzli

### A) NAZIV RADNOG MJESTA I OPIS POSLOVA ZA UPRAŽNJENO RADNO MJESTO:

1. *Viši referent za izvršenje prekršajnih sankcija* ..... *I izvršilac*

#### Opis poslova za radno mjesto pod tačkom 1:

- po prijemu pravomoćnih i izvršnih rješenja vodi postupak prinudnog izvršenja sankcija u skladu sa zakonom;
- unosi podatke u registar novčanih kazni;
- vodi propisane upisnike i knjige;
- vodi navedene evidencije i putem računara, te se stara da podaci iz upisnika budu ažurni i na računaru;
- vrši pripremu za otpremu pošte ovog referata i
- vrši i druge poslove po nalogu predsjednika i sekretara suda.

### B) POSEBNI USLOVI ZA OBAVLJANJE POSLOVA

Pored općih uslova predviđenih članom 77. Zakona o državnoj službi u Tuzlanskom kantonu (da je državljanin Bosne i Hercegovine, da je starije od 18 godina, da je zdravstveno sposoban za obavljanje poslova utvrđenih za to radno mjesto, da ima vrstu i stepen školske spreme potrebnu za obavljanje poslova radnog mjesta prema Pravilniku o unutrašnjoj organizaciji, da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini i da nije obuhvaćen odredbom člana IX 1. Ustava Bosne i Hercegovine), kandidat treba ispunjavati i sljedeće posebne uslove i to:

**Uslovi za obavljanje poslova za radno mjesto:**

SSS, IV stepen, gimnazija, upravna, birotehnička, ekonomska ili druga škola društvenog smjera, položen stručni ispit za namještenike u organima državne službe, 10 ( deset ) mjeseci radnog staža poslije završene navedene srednje škole, poznavanje rada na računaru.

**C) SPISAK DOKUMENATA KOJE TREBA PODNIJETI UZ PRIJAVU NA OGLAS**

Uz prijavu na javni oglas prilažu se sljedeći dokumenti (originali ili ovjerene kopije):

- uvjerenje o državljanstvu (ne starije od tri mjeseca) ili ovjerena kopija lične karte;
- rodni list;
- svjedočanstvo ili diploma o završenoj srednjoj školi;
- uvjerenje ili potvrda o poznavanju rada na računaru;
- uvjerenje da se protiv kandidata ne vodi krivični postupak (ne starije od tri mjeseca);
- uvjerenje ili potvrda o radnom stažu;
- ovjerena izjava kandidata da u posljednje dvije godine od dana objavljivanja javnog oglasa nije otpušten iz organa državne službe kao rezultata disciplinske kazne na bilo kojem nivou vlasti u Bosni i Hercegovini;
- ovjerena izjava kandidata da nije obuhvaćen odredbom člana IX 1. Ustava Bosne i Hercegovine.

U skladu sa članom 78. Zakona o državnoj službi u Tuzlanskom kantonu (*prečišćeni tekst – „Službene novine Tuzlanskog kantona“, broj 11/24*) rukovodilac organa državne službe (predsjednik suda) odlučuje o prijemu namještenika u radni odnos prijemom kandidata sa liste kandidata za prijem namještenika, koji ispunjavaju sve uslove Javnog oglasa.

Izabrani kandidat će biti dužan dostaviti ljekarsko uvjerenje o općoj zdravstvenoj sposobnosti za obavljanje poslova radnog mjesta (ne starije od tri mjeseca) nakon izbora.

**D) ROK TRAJANJA OGLASA**

Javni oglas ostaje otvoren 15 (petnaest) dana od dana objavljivanja oglasa u dnevnim novinama i na službenoj Internet stranici Općinskog suda u Tuzli.

**E) ADRESA ZA PODNOŠENJE PRIJAVA NA OGLAS**

Sve tražene dokumente treba dostaviti neposrednim putem ili putem pošte, preporučeno na adresu Općinski sud u Tuzli, ulica ZAVNOBiH bb, sa naznakom „JAVNI OGLAS ZA POPUNU UPRAŽNJENOG RADNOG MJESTA NAMJEŠTENIK NA NEODREĐENO VRIJEME U OPĆINSKOM SUDU U TUZLI“.

Nepotpune i neblagovremene prijave neće se uzimati u razmatranje.

**Predsjednik suda**

**Dr. sci. Muhamed Tulumović**